

**PRESBYTERIAN CHURCH OF INDIA
MIZORAM SYNOD**

HOSPITAL SUNDAY

HOSPITAL REPORT & THUCHAH - 2019



*In
His
Footsteps*

Estd : 1928



HOSPITAL REPORT - 2019

Kan Synod Damdawi In rawngbawlha chu Pathian awmpuina leh kaihhruaina avangin hma kan sawn zel a, lawmawm kan ti hle a ni. Kan Synod-in damdawi ina thawktute hlawh leh maintenance intum tura min tih angin vawiin thleng hian kan la kal ve thei zel a. Hetiang dinhmuna kan awm theihna chhan chu Kohhranhote leh thawktute thawhhona leh tihtakzeta damdawi in tana bang lova kan tawngtaina avang chauh a ni tih a lang chiang hle a, chuvangin, Kohhranhote chungah lawmthu kan sawi tak meuh a ni.

Hospital chanchin tlangpui chu hetiang hian han tarlang ila :-

1. Damdawi In khum awm zat : Khum 355

2. Thawktu awm zat : A nghet A nghet lo An vaiin

(i) Hospital-ah

(a) Doctor	39	2	41
(b) Nursing Staff & Sister	125	41	166
(c) Nursing School Tutor	9	-	9
(d) Para Medical Staff	23	4	27
(e) General Staff	115	9	124
Thawktu zawng zawng	311	56	367

(ii) Project dangah :

(a) Christoffel Blinden Mission	7
(b) Mission for Vision (MFV)	4
(c) ICTC	3
An vaiin	14

A chungah kan ziah tel loh kan project area-ah te part-time worker leh volunteer-a thawk engemaw zat kan nei bawh a ni.

3. Specialist hrang hrang kan neih dan chu hetiang hi a ni :

- | | | |
|---|---|---|
| 1) Medicine | : | 3 |
| 2) Surgery | : | 2 |
| 3) OBS & Gynae (<i>Hmeichhe lam</i>) | : | 4 |
| 4) Paediatric (<i>Naupang lam</i>) | : | 2 |
| 5) Orthopaedic (<i>Ruh lam</i>) | : | 2 |
| 6) Ophthalmology (<i>Mit lam</i>) | : | 4 |
| 7) ENT (<i>Beng, hnar leh hrawklam</i>) | : | 2 |
| 8) Anaesthesiology (<i>hnimhlum lam</i>) | : | 3 |
| 9) Pathology (<i>natna hriatlama thiam bik</i>) | : | 1 |
| 10) Blood Bank Officer | : | 1 |
| 11) Microbiology | : | 2 |
| <i>(Natna hrik zawn chhuahna lam)</i> | | |
| 12) Public Health | : | 2 |
| <i>(Vantlang hriselna lam)</i> | | |
| 13) HIV/AIDS | : | 1 |

Heng bakah hian thiamna bik nei, kan damdawi inah hian kan nei tel bawk a, chungte chu :-

- | | | |
|--|---|---|
| 1) Audiologist (<i>Ri hriatna lam</i>) | : | 1 |
| 2) Physiotherapist (<i>Taksa sawizawina</i>) | : | 1 |
| 3) Dietician (<i>Ei leh in lama mithiam</i>) | : | 1 |
| 4) Project leh Damdawi In tangkawpin | | |
| Occupational Therapist a chhawr | : | 1 |

4. Postgraduate Course zir mekte :

- 1) Dr. Samuel Lalhrualtuanga, MS (ENT)
— 3rd Year, CMC, Ludhiana.
- 2) Dr. H.D. Lalengkima, MD (Anaesthesiology)
— 1st year, Govt. T.D Medical College, Alappuzha, Kerala

- 3) Dr. Ruth Lalmuanpuii, d/o Vanlalruata (L) Kulikawn chu BEC 2/16:9-in postgraduate zir tura study leave a lo phal sak tawh angin kumin 2019 NEET-ah a inziak tling a, May 1, 2019 aţangin Calcutta Medical College-ah MD (Pathology) a zir.
- 4) Dr. Lalmalsawmi Ralte, d/o Lalramliana Ralte, Ramhlun North chu Synod Sponsor-in CMC, Vellore-ah MS (Orthopaedics), kum 3 chhung zir turin seat a hmu a, a zir zawh hunah kan damdawi ina thawk hlen tura hauh lawkna pek a ni.

5. Postgraduate Course zir zo tawh te :

- 1) Dr. Lalrinmawii, Khiangte, MD (Community Medicine)
- 2) Dr. S. Parmawii, MD (General Medicine)

6. Synod Sponsor-a CMC, Vellore-a MBBS zir mek te :

- i) Benjamin Zonunsanga Zote - MBBS, Final Yr
- ii) Lalrintluangi, MBBS - Final year
- iii) Remruatpuii, MBBS - III Yr.
- iv) Lalremruati Chawngthu, MBBS - II Yr.
- v) Ramengmawii Khawlhiring, MBBS - II Yr.
- vi) Jennifer K. Lalhruaitluangi, MBBS - I Yr.
- vii) Lalrampari, MMB - I yr.

MBBS zir tura kan sponsor-te hian an zir zawhah kum 2 chhung kan damdawi inah an rawn thawk thin a. Tunah hian hetiang bond thawk mek pakhat (1) kan nei a ni.

7. Nursing School :

Tuna kan Nursing School hi B.Sc Nursing zirna atan hlankai (upgrade) turin kan Synod-in a kalpui mek a, kumin 2019 aţang hian B.Sc (N) zir tur kum tin mi 30 zel la thei ngei turin hma lak zel a ni a; tin, College building pawh chak taka sak chhunzawm zel a ni.

8. Nursing Student-te result :

Nikum 2018-a Nursing School-a final year zirlai mi 28-in an exam a, 26 an pass a, 2 an supplement a, chungte pawh chuan kumin 2019-ah an pass vek tawh a ni.

9. Dr. Ramdinthara Sailo leh Dr. Zochhuani Ralte, John Williams Hospital, Lungleia thawkte chu Synod Mission Board atangin Synod Hospital Board hnuaiah Inter-departmental transfer-in 1st January, 2019 atangin an rawn awm tawh a, Synod Hospital-a thawk doctor-te angin kum 62 thlang an service dawn a ni.

10. MRI chungchang :

Synod Inkhawmpui Thurel 89/2012:49-nain MRI lei tura a rel tawh chu vawiin thlangin damdawi in lamin kan la lei ta rih lova, a chhan chu a dahna tur hmun kan nei remchang rih lo a. Tin, kum tin a khawl maintenance charge hi nuaih engemaw zat kan chhun luh a ngai dawn a, tuna kan damlo neih dan han en hian ala harsa deuh dawna a lan avang leh a enkawltu tur hetiang lama mithiam Radiologist kan la neih loh vang a ni bawk. Synod-in Hospital building thar sa turin ruahmanna a kalpui mek a, kan sak hunah chuan a dahna tur la ngaihtuah a ni ang.

11. Khualbuk sak :

Synod Inkhawmpuiin a lo rel tawh angin Synod Hospital-a damlo awmpuitute tan CASA building chhuahsan chu chei that mek a ni a, mipa riahna tur sak thar a ni bawk. Mipa riahna khum 14 leh hmeichhe riahna khum 16 awm tura ruahman a ni.

12. Kum 2018 chhunga khawl thar kan neih te :

Kum 2018 khan khawl thar engemaw zat kan nei a, chungte chu :-

1) Holter Monitor :

He khawl hi darkar 24/48/72 chhunga lung hnathawh dan fel fai taka record-tu a ni. Rs. 6,25,000/- man a ni.

2) Holmium YAG Laser System :

Kal, zun kawng leh phinga lung awm chhut sawmna, zun kawnga bawk te hleh thlak nan leh zun kawng zim tih zauhna khawl a ni. Rs, 34,28,720/- man a ni.

3) Colonoscopy :

Ril pui chhung enna khawl pawimawh tak a ni a. Rs. 6,68,373/- man a ni.

4) C-Arm X-ray Machine :

He khawl hi taksa bung hrang hrangte thla laa TV/Monitor Screen-ah chiang taka rawn lantir theitu a ni a. Inzaina hmun (OT) leh Lithotripsy-atana hmanraw tangkai leh pawimawh em em a ni. Rs, 14,50,000/- man a ni.

5) Autorefractometer :

Computer-a mit enna a ni a, kan mit mil chiah tarmit chawhna tura tanpuitu khawl leh mit darthlalang (Cornea) tehna a ni. Mit chhunga Lens (Intraocular-lens) phum tur chhut chhuahnaa puitu a ni. Rs. 4,00,000/- man a ni a, Leitan Pastor Bial-ten min lei sak a ni.

6) Non-Contact Tonometer :

Mitmu pressure tehna khawl a ni a, damlo inentir zawng zawngte rang tak leh awlsam taka an mitmu pressure check-na a ni. Rs. 3,80,000/- man a ni a, Mizoram Presbyterian Kohhran Hmeichhia-te min lei sak a ni.

7) Synoptophore :

Mitkalh leh mita thahrui awm insem rual lo hmuh chhuahna leh exercise hmanga enkawl na a ni a. Rs. 60,000/- man a ni a, Christoffel Blinden Mission (CBM), Germany-ten min leisak a ni.

8) Green Laser :

Mit chhungril zun thlum leh natna dangin a khawih chhiat chhe zel tur venna atana Laser-a kah nana hman a ni. Rs. 25,00,000/- man a ni a, CBM Germany-ten min lei sak a ni.

9) Turbovit :

Mit chhungril zaina khawl a ni a, thi tling leh mit chhung ril tihpalh vanga Lens tla leh bawlhhlawh tang te lakchhuah leh hip faina khawl pawimawh tak a ni. Rs. 16,00,000/- man a ni a, CBM Germany-ten min lei sak a ni.

10) Humphrey Field :

Mitmu pressure sang (Glaucoma)-in mit chhungrila analyser a tihchhiat dan leh kan khaw hmuh zauh zawng a tih chhiat belh zel dan enna khawl a ni. Rs. 25,00,000/-man a ni a, CBM Germany-ten min lei sak a ni.

11) Fetal Monitor :

Hmeichhia nau pai mek te, an pum chhunga naute awm lungphu enna khawl a ni a, khawl 8 lei a ni a, Rs. 6,16,000/- man a ni.

12) Shredder :

Hmanraw hriam (Syringe Needles, Blade etc.) her sawmna khawl a ni a, Rs. 3,52,760 man a ni.

13) Puansukna Khawl :

Puansukna leh a sawrna khawl pakhat ve ve lei thar a ni a, Rs. 13,00,000/- man a ni.

13. Partnership/Project lama hmalakna :

1) CBM (Christoffel Blinden Mission) :

Kum 1980 atanga thawkhovin vawiin thlengin Mit (eye) lam harsatna leh rualbanlohna (disability), hriatna, rilru lam leh fuke

kim lohna leh a kaihnawih harsatna enkawlina project kan buaipuiho mek a ni.

Project area te thlan a ni a, School leh khawtlangah harsatna nei zawn chhuah (screening programme) leh hriselna chungchang inzirtirna (awareness) neih thin a ni bawk. Khaw 20 zetah rualbanlo pawl (Disable Peoples Organisation-DPO) din a ni a, annni nen hian rualbanlote tanpui theih dan kawng dapho thin a ni bawk. Eye Unit tan khawl tha tak tak min lei sak a, thawktu training-na te min siam sak a, hma kan sawn phah em em a ni. Kan Physiotherapy/Occupational therapy unit pawh kan thawhhona zarah a changtlung chho ve zel bawk a. Project staff 2 (Hospital) leh project worker 5 (village) an sponsor mek bawk a ni.

- 2) **District Blindness Control Society (DBCS), Mizoram :** DBCS te nen hian kum 1997 atanga vawiin thleng hian mit (Eye) naute paw (cataract) enkawlinaah kan thawkho a ni.
- 3) **Mission For Vision (MFV) :** Mission for Vision leh Synod Hospital hian kum 2014, January atangin thawhho a ni a. An hnuaia staff 4-te nen hian mit lama harsatna nei zawn chhuah kawngah te, damdawi ina rawn hruai thlen leh enzui kawngah te kan thawkho mek a ni.
- 4) **Pallium India :** Pallium India nen kum 2016, February atanga thawkhovin, Palliative Care Project kalpui mek a ni a. Natna benvawn (Cancer, HIV etc) nei te, rilru leh taksaa na tuar lo tur leh thlamuang leh lungawia an hun tawp lam an hman theihna atana enkawlina (Palliative Care) pek kawngah kan thawkho a. Kar tin in lamah tlawh chhuah (home visit) programme te siamin inkawmna (counselling)-te neih thin a ni a, damdawi leh ei tur tha te mi inphalte zarah pek thin an ni bawk.

14. Grace Home :

Grace Home hi a bik takin HIV/AIDS veite enkawlina a ni a. Heta damlote hi a tam zawk chu chhungkhat laina leh in leh lo nei mumal lo te an nih thin avangin kan Synod chuan an dinhmunte hrethiamin a thlawnin a thawktute nen enkawlina hi a kalpui a ni. Grace Home-ah hian damlo mi 20 vel an awm reng a, Synod Grant hian Grace Home-a damlote enkawlina leh an ei leh in te a daih loh chang a awm thin a, mi thahnemngaiten phal taka thilpek an pek thin avangin kan kal thei zel a ni. Grace Home-ah hian thawktu mi 17-in an thut chilh a ni. Grace Home tana Central KṯP, Central Kohhran Hmeichhia, mimal leh pawl thahnem- ngaiten min puilhna zawng zawngah lawmthu kan sawi tak meuh meuh a ni.

15. Orthopaedic leh General Surgery lama hmasawnna :

Orthopaedic (Ruh lam) lamah hma kan sawn zela, spinal cord (hnungzang ruh zai) chi hrang hrang bakah ruh chuktuah thlak (replacement surgery) te pawh kan ti a, khup ruh leh khel ruh thlak te pawh kan ti thei a ni. Tin, naupang ruh lamah pawh thiamna bik nei kan nei a ni.

General Surgery lamah pawh hma kan sawn zel a, Laparoscopic surgery leh kala lungte awm zai lova a verha lak chhuah (PCNL) kan ti thei a. Tin, zunkawnga lungte awm zai lova lak chhuah (RIRS)-te pawh kan ti thei tawh a ni.

16. Chaplaincy rawngbawlina :

Chaplaincy rawngbawlinaah hian Chaplain 4 kan nei a, Hospital compound chhungah hian Chaplain quarters pahnih (2) kan nei a, pahnih dangte chu pawn lam atangin chhun lamah an rawn kal thin. Tuna compound chhunga awm Rev. H.C. Khaicho, Chaplain chu cancer natnain a tlak buak avangin duh angin a inhmang thei lova, Kohhranhoten kan tawngtainaah lo hre reng turin kan inngen a ni.

Kan damdawi ina damlo awmte hi taksa natna bakah rilru lama puih ngai tak tak te an ni thin a, chung tanpui ngaite chu kan Chaplain-te hian counselling leh tawngtaina te an neihpui thin a. Heng bakah hian zai (operation) tur apiangte an tawngtai sak thin bakah mitthi an awmin tawngtaiin an thlah thin bawka ni.

Chaplaincy Committee hmalaknain kum tin thawktute leh Nurse zirlaite pualin Retreat neih thin a ni.

17. Thilpek dawnte :

April 2018 - March, 2019 chhunga Charity Fund kan dawn chu hetiang hi a ni.

1) Charity Fund :

(a) Mi thahnemngaite hnen	
atanga hmuh zat	: Rs. 36,98,263.50
(b) Hospital Sunday	: Rs. 24,97,658.00
Total	: Rs. 61,95,921.50

2) Thilpek dang :

Kohhran, mimal leh pawl hrang hrangte hnen atangin damdawi in mamawh, thilpek chi hrang hrang engemaw zat kan dawng reng bawka, hei hian kan mamawh min phuhruk sak thin a, kan lawm hle a ni.

18. Charity Fund chungchang :

Kan Hospital hi a tir atangin Lal Isua tihdam rawngbawlna hna chhunzawma, a tha thei ang bera damlote enkawl, sakhua, pawl, chi leh vun rawng avanga inthliarna awm hauh lova natna tinrenga nate enkawlina, thiamna sang hmanga inenkawlina hmun tha, Pathian atanga hmangaihna nena damlote enkawlina atana din a nih angin nat tinrenga naten an pan a. A pantute zingah natna avanga an lungngaih bakah inenkawlina senso an neih

loh avanga lungngai bawk an tam hle. Kan damlo zingah inenkawlna senso pek tur nei lo leh pe tla nghal thei lo hi thla tin mi 40-50 vel an awm thin a ni.

Heng mi mangang, tanpuina kawngah Kohhrante kan thangharh tial tial ni pawhin a lang a. Tun hnai kum 3-4 velah phei chuan mimal, pawlho leh KTP leh Kohhran Hmeichhia te an tang nasa a. Hospital Sunday thawhlawm pawh damlo tlawhna nia ngaiin thawhlawm pawhin hma a sawn ta hle. Kum kalta 2018-2019 chhunga rethei pual thawhlawm (Charity Fund) kan dawn chu a thahnem hle a. Charity Fund kan dawn atangin damlo awm man pe thei lo mi 403 ba rulh sak tawh an ni. Tin, dt. 31.3.2019 thlenga damlo awm man min la batsak zat chu Rs. 346,14,344/- a ni mek bawk a ni.

Tihdam rawngbawlina hi tluang taka a kal zel theih nan leh a mamawhtu apiangten an pan theih tura rawngbawlina hmun pawimawh tak a nih zel theih nan Kohhranhote tanngtaina leh thilpeka tan la zel turin kan inngen a ni.

19. Hmalakna dangte :

1) Mobile Clinic :

April, 2018 atanga March, 2019 inkar chhungin Mobile Clinics neiin hmun hrang hrang, hmun sarih (7)-ah kan feh chhuak a, damlo 2703 en an ni. Free Clinic nei tura Kohhrante min sawmna zawng zawngah kan kal thei lova, in mi hriatthiamna kan dil a ni.

2) Blood Donation Camps :

April, 2018 atanga March, 2019 chhungin Blood Donation Camp vawi 74 neih a ni. Camp kan neiha thisen kan dawn zawng zawng zat hi Unit 3174 a ni. Kohhran, KTP, YMA leh Tlawmngai pawl hrang hrang leh mimal ten a mamawhte tan thisen an pe thin a, an chungah lawmthu kan sawi a ni.

3) Eye Unit :

April, 2018 - March, 2019 chhungin Hospital-ah Eye Camp tum 12 neih a ni a, hetah hian mitnaute paw (Cataract) 746 zai an ni a, School screening-a en zat 4009, DR & Glucoma screening-ah mi 1702 en an ni a, 16 zai an ni bawk.

4) Vaccination Camps :

April, 2018 atanga March, 2019 chhungin hri danna (Vaccine) chi hrang hrang {BCG - 885, BOPV - 3958, DPT - 3920, MMR - 1932, DT - 556 Typhoid - 1116, Chickenpox - 704, HBV (Hepatitis B) - 3313, Hib - 3927, TT - 603, HPV (Chhul Cancer venna) - 14, TCV - 854, a vaiin Dose 21,782 lai pek chhuah a ni. Vaccine hi Hospital atang mai bakah Millennium Centre-ah te, Dr. Frasers' Clinic, Mission Veng-ah te leh Vaivakawn, Armed Veng leh College Veng Kohhran Hall-ah te hunbi neiin pek thin a ni.

20. Dr. Fraser's leh Millennium Clinics :

Aizawl khawpui chhunga kan Damdawi in peng kan neih te - Dr. Fraser's Clinic, Mission Vengah leh Millennium Centre top floor-ah Clinics kan hawng thin a, doctor specialist, geneal medicine tih loh chu a tahtawlin an thu thin. X-ray leh investigation a theih ang ang chu a hmunah a tih zel theih a ni.

21. Khawl neih tawh hman zat (April, 2018 - March, 2019) :

1) Lithotripsy :

Kala lungte pawm chhut sawmna khawl. Damlo 64 khawih an ni.

2) Dialysis :

Kal tha lo leh taksa chhunga tui tam lutuk, taksain a mamawh tawh loh paih chhuahna khawl a ni a. Damlo 455 enkawl tawh an ni.

3) C.T. Scan :

Taksa bung hrang hrang chiang taka en theihna khawl a ni a, damlo 2314 en tawh an ni.

4) Oxygen Generator khawl pawh tangkai takin mamawhna ward-ah pipe-a thlun zawmin hman zel a ni.

22. John Williams Hospital, Lunglei dinhmun :

John Williams Hospital (Chhim lama kan Synod Damdawi In) pawh tluang takin a kal zel a. John Williams Hospital-ah hian khum 30 a awm a, sum hmuhna lamah pawh an thawk chhuak tha hle a ni. Hetianga an kal zel theih chuan anmahni an intodelh theih hun a awm ngei ang tih beiseina sang tak kan nei. Tunah hian Surgeon pakhat fixed pay-in chhawr mek a ni a, kan tangkaipui hle a. Amaherawhchu, junior doctor thawk tur kan hmuh zawh loh avangin an indaih lo hle a, chutichung chuan specialist kan mamawh em avangin tuna kan junior doctor neih Dr. Zorinpuii Ralte chu zirna sang zawk zir thei turin study leave thla ruk (6) chhung atan pek a ni. Hemi avang hian an indaihlo lehzuah ngei ang tih a rinawm.

A. Damlo rethei tanpuina pawh an kalpui zel a, April, 2018-March, 2019 chhung hian damlo 9 (pakua) tanpui nan Charity Fund atana an dawn zawng zawng Rs. 3,52,100/- atangin Rs. 99,530/- hman a ni.

B. Thawktu dinhmun :

John Williams Hospital-ah hian thawktu an indaih loh avangin anmahni remchan danin a nghet lo (daily basis)-in thawktu thenkhat lak thin a ni a. Chungte chu unit tinah a tul angin an indah thin a ni. Tuna thawktu dinhmun chu hetiang hi a ni :-

- | | | |
|-------------------|---|----|
| 1) Doctor awm zat | : | 4 |
| 2) Office staff | : | 2 |
| 3) Staff Nurse | : | 17 |

4)	Lab. Technician	:	4
5)	Pharmacy Staff	:	3
6)	X-ray Technician	:	1
7)	Medical Records	:	1
8)	CSSD	:	2
9)	Multitask Staff	:	1
10)	Driver	:	1
11)	IV Grade	:	8
12)	Chowkider	:	1
	An vaiin	:	45

- C. John Williams Hospital-ah hian Staff Nurse hna thawkte hi hmun hla tak takah an awm avangin emergency-ah harsatna a awm thin a, chuvangin, Hospital bul Synod Complex-ah Staff Nurse Hostel, mi 8 awm theihna tur sak mek a ni a, June, 2019-ah luah theih tura buatsaih a ni.

TIDAMTU ISUA

(*Chhiar tur* : Mt 4:23-25; 9:20-22)

—Rev. H. Biakthansanga
Hospital Chaplain (☎ 7005284699)

Khawvelah mihringin natna kan neih hrang hrang hi 100,000 vela sawi a ni a. Khawvel mihring maktaduai 800 chuan an sum lakluh aṭanga 10% chu natna inenkawl nan an hmang a (*Reuters*, 06 April, 2018). WHO-in thupui pawimawh a neih chu ***‘Mi tin tan hriselna’*** tih a ni a. He mi atan hian kum tinin cheng vaibelchhe tam tak sen ral ṭhin a ni. Heti chung hian natna chi thar hmuh chhuah belh zel bakah damlo an pung zel bawk.

1. *Taksa leh thlarau damna kan mamawh vek*

Kan nun hian beisei leh duh ang a dawng vek lo. Kan chenpuite leh ṭhianta, midangten rilru natna min thlen fo va. Rilru damlo chuan taksa leh thlarau nunah nghawng ṭha lo a nei a. Taksa natnain rilru leh thlarau, thlarau natnain rilru leh taksaah nghawng ṭha lo a nei bawk. Hengte hian kan nunin a thlen tur min thlentir lova, nun awmzia nei lovin min siam ṭhin. Tupawh hian engemaw ti kawng tala tihdam kan mamawh a ni.

Pathian lakah mihringte chu thi kan ni a (Rom 5:12). Taksa thihna leh chatuana thlarau thihna chu mihringte chan a lo ni a. Pathian laka thi kan nihna hian thil pathum ken a nei a — (1) Pathianin mihring hnara Nunna thaw a thawk luh khan minung a lo ni a. Pathian thupek bawhchhiat a nih khan, mihring leh Pathian inlaichinna, inzawmna, inpawlna chu a tawp ta a. Mihringin Pathiana nunna a neih ṭhin chu a tawp ta a. Hei hian Pathian hmangaih aiin mahni inhmangaihna, Pathian hnena ropuina pe lovin mahni intilropuina a

hring a (Rom 11:36; I Kor.6:20; 10:31; Sam 86:9). Paulan mihring nihna chu, "... thil mawi lote ti tura a duh loh zawng rilru neih phalin Pathianin a hawisan ta a," (Rom 1:28) tiin min hrilh a. (2) Mihringte inlaichinna tha taka awm thin kha inmahpuh tawna, thiam zawk nih tumna, mahni hmasialnain a thlak a. He khawvel pathian chuan mihringte rilru chu a tidel ta a (2 Kor.4:4). Midang nen kan indo a. Chhungkua, khawtlang, ram leh ram indona a thlen a ni. (3) Thilsiam dang leh mihringte inkar, thilsiam leh Pathian inkar a lo chhe ta bawk a (Rom 8:19-22). Mihring dinhmun chu thim a lo ni ta a ni (Eph.5:8).

2. Dam duha pantute Lal Isuan a lo tidam thin

Isuan damlo a tihdamte hi, thenkhat chu rinna avanga tihdam (Mat.15:28), thenkhat chu damlo chhungten Isua hnena an hruai avanga tihdam (Mk.7:32), thenkhat chu damloten an ngen avanga tihdam (Mk.10: 47-52), thenkhat chu Isuan a khawngaih avanga tihdam (Mat. 20:34)- te an ni. Isua pantu damlo te, amah ngeiin damlo a pan te, damlo chhungten Isua hnena an hruai te, an zavaiin tihdam an ni. Damlote tihdam thu-ah hian *chawplehchilhin, ta nghal a, thawklehkhata*n ti-a sawi a ni a. Zawi zawia tha chho ni lovin an dam nghal a ni. Isua tan natna tihdam theih loh a awm lo (Mat.4:23).


Isuan damlo tihdam nan hian thu, chil leh hlum, kuta khawihte a hmang a (Mat.12:13; Jhn.9:6; Mk. 8:23). Rom mite leh Juda Rabbi-te chuan mitdel enkawl nan hian chil an hmang thin a. Chil hmang lo hian Isuan a tidam thei. Pathian an rin theih nan hetih hun laia mite rindan hmangin tihdam hna hi Isuan a thawk a ni. Tunlaiah natna veite damdawi hmang lova Isuan a tihdam hmuh tur an awm. Damdawi hmanga Isuan a tihdam an awm bawk a. Damdawi hmanga dam tum hi Isua rin lohna a ni lo a. A engmah thlauh thlak ngai lovin kan taksa natna a tidam thei ve ve tih hi kan rin a pawimawh a ni. Lal Isua hian tihdam theihna thiltihtheihna (grik.dunamis) leh chu thiltihtheihna hman theihna thuneihna

(grik.exousia) a nei a. Zirtir sawmpahnihte hnena a pek pawh kha hei hi a ni (Lk.9:1).

3. Damna kim chang turin Lal Isua i pan ang u

Kum 38 chhung natna vei tawh hnenah Isuan, “Tihdam i duh em?” a ti a (Jhn.5:6). Tihdam a nih theihna turin kawng a hawng a. Damlo hian dam chu a duh a. Damna lam aiin damna a chan theih loh chhan a thlirnaah a lian zawk a. Damna chu a duh, damna chu a duh tak tak em tih Isuan hriat a duh a ni. Min tidam tur te, chaklohna leh harsatna la kiang tura Pathian hnena tawngtaia dil hi thil har a ni lo. Tihdam kan duh tak tak em tih hi Isuan min zawhna a ni ve ngei ang. Bethesda dil kiana damlo hian taksa leh thlarau damna a chang a. Nun chhan leh awmze thar a chang a. Mahni inkhawngaihna, chapona, hlauhna, beidawna, leh hnungtawlhna ata tihzalen a ni.


Isaian, ‘... kan nate phurin, kan lungngaihnaate pawh a phur ngei a’ ti-a a sawi hi, Matthaia chuan, ‘Kan chaklohnate a la a, kan nate a phur’ (Mat.8:17) a ti thung a. Phur (heb.nasa) awmzia hi ‘laksak, chawikang’ a ni a. Isuan kan natnate min laksak a ni. A thiltihtheihna chuan kan natna min laksak a ni (Mat.8:16-17). Kan natnate hi nakinah ni lovin, tihdamin kan awm ta tia Isaian a sawi avang hian tunah tihdam kan ni. I rin chuan Pathian ropuizia i hmu ang, ka ti lo che em ni? (Jhn.11:40) tiin Isuan min hrilh a.



(Dr LH THANGA SINGSON) (Rev R. LALHMINGTHANGA)

Secretary,
Synod Hospital Board.
&

Director,
Synod Hospital.



Chairman,
Synod Hospital Board.
&

Moderator,
Mizoram Presbyterian Church Synod.